

## **Mirsad Hadžikadić:**

Organizujemo naša lokalna odjeljenja. Počeli smo održavati sastanke upravnog odbora Pokreta. Takođe smo počeli održavati sastanke odbora koji nadzire djelovanje Platforme. Imamo i interne sastanke timova. Znaš, predsjedništvo nadgleda sve ali sada imamo i tim koji prije svega vodi računa o tome da naš ured radi kako bi trebao i da imamo adekvatnu podršku za ljude u našim lokalnim odjeljenjima. Uspostavili smo kadrovsku komisiju koja nadgleda proces pronalaska dobrih ljudi širom Bosne i Hercegovine odnosno onih koji zapravo mogu biti u strukturi Platforme u lokalnim organizacijama, ali i koji bi mogli biti potencijalni kandidati za razne zakonodavstvene pozicije kako se približavamo lokalnim izborima koji su za dvije godine i opštim izborima koji su za četiri godine. Taj proces pronalaska ljudi i organizovanja lokalnih odjeljenja uzima mnogo vremena i nije lak zadatak, naročito s obzirom na činjenicu da moramo utvrditi kako da provjeravamo ljude odnosno kako da se uvjerimo da su to pravi ljudi: da posjeduju neophodno znanje, lični integritet, da je njihov prioritet država Bosna i Hercegovina a ne njihov vlastiti lični interes. To je jedan izuzetno važan set aktivnosti i moramo se pobrinuti da to uradimo kako treba jer za šest mjeseci, kao što smo obećali na našoj osnivačkoj skupštini, moramo da organizujemo svoje regionalne skupštine, šest njih u toku šest mjeseci, tako da one mogu izabrati svoje predstavnike u upravnom organu i zamijeniti inicijalne članove koje smo samo imenovali, uz odobrenje delegata osnivačke skupštine. Drugi set aktivnosti se odnosi na internu organizaciju. Pokušavamo da uposlamo izvršnog direktora koji će nadzirati sve interne operacije. Još jedan set aktivnosti odnosi se na traženje projekata koje ćemo u suštini iskoristiti da demonstriramo ko smo mi i da možemo doprinijeti zajednici čak i dok nismo na vlasti, kad je u pitanju politička vlast. U vezi toga sam imao mnogo razgovora sa omladinskim organizacijama i organizacijama žena, koje se same organizuju i voljele bi da djeluju unutar Platforme i raditi dobre stvari za članove i poboljšati njihovo stanje unutar društva. Mnogi ljudi nas pozivaju na sastanke u želji da se pridruže Pokretu i da doprinesu. Pridruživanje je lako – odete online, ispunite aplikaciju, uplatite ili ne uplatite članarinu, nije važno. Zapravo jest nam važno, ali nije obavezno. Ali oni dođu ovdje i zapravo žele da doprinesu. Oni traže zadatke koje bi mogli obaviti. Interesantno je posmatrati kako upravljamo tim procesom, jer smo preselili u novi prostor koji je veći, ali sad svaki put kad dobijete nekog ko bi mogao pomoći, takođe morate da

obezbijedite laptop za tu osobu, i troškovi rastu, i uskoro će oni očekivati neku vrstu novčane nagrade, pa smo pažljivi. Mnogo je ljudi iz drugih stranaka koji nas zovu i koji bi voljeli da pređu kod nas, a to su visoko pozicionirani članovi drugih stranaka, pa smo vrlo pažljivi s njima. Znam da se u medijima dobijaju poeni ako kažete da je visoko rangirana osoba iz druge stranke prešla kod u vašu stranku, ali mi ne želimo takve. Mi ne želimo one koji su zapravo učestvovali u kreiranju ovog groznog političkog sistema u kojem se nalazimo. Ne želimo da nas oni predstavljaju. Radije ćemo imati samo mlađe ljude koji nisu bili dio procesa i koje ćemo edukovati i dati im informacije o političkom procesu i šta svaka politička pozicija zapravo znači, koje odgovornosti ona podrazumijeva i kako mogu djelovati na najbolji mogući način, kako da postanu kandidati i kako da se ponašaju kao kandidati. Organizovat ćemo Platforminu akademiju koja će podučavati ljude o političkom životu, ponašanju, etici, ciljevima Platforme, tako da budu spremni kada izađu u javnost, a ako ne vjeruju u to, onda neka ne budu tu, u redu je da ne budu dio nas. Ali, ako su jedan od nas, ovo su stvari koje se moraju znati. Ako mogu doprinijeti i napraviti to još boljim, onda u redu, ali kad govorimo o etičkom ponašanju, ne mogu uraditi nešto drugo. Ne mogu biti naš predstavnik a ne znati koje dužnosti člana parlamenta. Moraju to znati jer će ih drugi ljudi pitati o tim stvarima. Takođe pokušavamo da riješimo problem finansija, kao i uvijek, da se pobrinemo da imamo dovoljno novca. Dobra stvar je da postoji ogroman osjećaj napretka. Mnogi ljudi misle da smo mi jedina nada za promjene i puno je interesa među diplomatskim zborom. Mnoge zemlje razgovaraju sa nama, i postoji interes medija za ono što imamo da kažemo. Dakle, osjećaj jeste da smo pokret odnosno stranka u usponu. Mnogo je špekulacija o tome kome bismo se pridružili ako bismo morali da formiramo koaliciju sa bilo kim, koja stranka nam je najbliža, itd. Pretpostavljam da je to normalan proces kad morate da kreirate novu stranku ili pokret. Meni je to novo, ali mi bavljenje ljudima nije novo, kao ni organizovanje nove strukture, definisanje ciljeva, dodjeljivanje zadataka, itd.

**Clark Curtis:**

Očito je da je poruka i dio pokreta upravo to da se više ljudi uključi. To je dio demokratije. Kako to prihvataju ljudi koji vjerovatno nisu čak ni vidjeli jedan ovakav proces ranije?

**Mirsad Hadžikadić:**

Da. Mi smo novi na mnogo načina za ljude u Bosni i Hercegovini. Sve što radimo je drugačije: kako govorimo, o čemu govorimo, kako se ponašamo, naši akti, propisi, deklaracije, sve je drugačije, i u tom smislu je vrlo interesantno da se ljudi navikavaju na tu činjenicu i od nas očekuju da budemo drugačiji. Imamo više novih ljudi od ostalih, koji nikad nisu bili članovi nijedne političke stranke, ljudi koji nikad nisu glasali jer nisu imali za koga da glasaju, kako sami kažu. To je takođe dio uzbuđenja. Mnogo mladih ljudi nam vjeruje, a pretpostavljam da je to zato što, na primjer kad je riječ o meni, što dolazim izvana, što sam osoba koja dolazi iz obrazovnog sektora, sa IT obrazovanjem, i očito nisam dio ovog korumpiranog sistema, i zaista mi vjeruju i u tom smislu je veća odgovornost uvesti ih u politički sistem, i zato razmišljam i planiram Platforminu akademiju, tako da možemo pomoći da se priključe Pokretu na najbolji mogući način. Imaju i mnogi stariji ljudi koji nam dođu i kažu da nisu mladi ali da žele biti dio ovoga, a čak i za njih je tačno da nikad nisu volontirali prije nego što su došli kod nas. Dakle, kad dođete u naš ured ovdje, tu je mješavina. Uglavnom su mladi, ali ima ih starijih koji su penzionisani, ali bi voljeli da promijene državu. Zaista je simpatično. Svi oni uče kako da izgrade nešto novo od nule, i za mnoge ljude to je zanimljiv dio. Osjećaj je kao da kreiramo start-up.

**Clark Curtis:**

Pretpostavljam da još uvijek ima skeptika koji smatraju da je ovo predobro da bi bilo istinito. Nikad nije bilo ovako, zašto bi se promijenilo? Pokušavate li da se fokusirate na one koji tako razmišljaju?

**Mirsad Hadžikadić:**

Ne, i iskreno, sad je mnogo manji broj takvih nego što je to bio slučaj prije izbora. Ne moram objašnjavati više, jednostavno kažem: „Ok, možda ne vjeruješ da možemo išta učiniti, ali da ti kažem sljedeće. Nepoznata osoba se pojavi pet mjeseci pred izbore i bez političke ili stranačke infrastrukture iza sebe, bez finansijskih sredstava iza sebe, i protiv svih medija koji su mu blokirali pristup, barem svi mediji u vlasništvu države koji bi trebali da obezbijede pristup svim kandidatima, uprkos svemu tome on na kraju dobija 10% glasova.“ S obzirom na činjenicu da je

35-40% glasova ukradeno, jer kao što sam objasnio, zbog treće stranke ili trećeg kandidata; ljudi nisu glasali za mene jer žele glasati protiv nekog drugog, ljudi koji nisu vjerovali da možemo pobijediti blokirali su mi pristup; stručnjaci kažu da je tih 10% glasova zapravo moja populacija pristalica od 20%. Dakle, odlično sam prošao: za samo pet mjeseci, a ja sam niko, dobio sam 20% glasova. Pobjednik je dobio 33-34% glasova. I onda ih pitam mogu li zamisliti šta možemo učiniti za četiri godine, odnosno za dvije godine na lokalnim izborima pa za četiri godine na opštim izborima. Mislim da treba da se zabrinu zbog nas. Dakle, to je moj odgovor i niko to ne osporava. Više ne čujem, ili barem ne direktno, da ne možemo učiniti ništa. Sve više i više je ljudi koji me prepoznaju na ulici, koji mi čestitaju i pokazuju podršku dok šetam ulicom. Kad odem u studio sa kamerama i ljudima, ljudi koji me intervjuišu a koji su iz nezavisnih medija nakon intervjua mi kažu da sam najomiljenija osoba, a to su ljudi iz industrije vijesti i oni razumiju vijesti. Dakle, ne mislim da je više slučaj da mi to ne možemo uraditi. Mislim da sad pokušavaju shvatiti kako da nam se pridruže, kako mogu postati dio toga ili kako mogu ovo povesti u drugom pravcu. Više se sad radi o tome kako ćemo to uraditi nego da li možemo uraditi mnogo.

### **Clark Curtis:**

Razgovarali smo o ovome ranije kako su stvari napredovale, ali pretpostavljam da raste uzbuđenost kod tebe i ostalih unutar Pokreta dok gledate kako se formiraju ovi blokovi i kako se implementiraju stvari koje se dešavaju i koje treba da se dese.

### **Mirsad Hadžikadić:**

Jako dobro pitanje. To je nešto što sam na neki način očekivao ali nisam vidio da će imati ovakav intenzitet. Mnogo je ljudi, naročito mladih ljudi koji traže da im damo smjernice i zadatke da obavljaju. Oni su nestrpljivi. Oni žele početi graditi zemlju sada. S druge strane mi kao Pokret, kao politička organizacija, moramo da gradimo blokove, da uspostavimo lokalne organizacije, da pronađemo ljude. Znamo šta treba da uradimo ali istovremeno nam trebaju ljudi koji će zapravo to uraditi. Mogli bismo napredovati brže prihvatanjem bilo koga ko kaže da želi učestvovati i pokušajem da ih organizujemo, a onda bismo imali neke ljude iz drugih stranaka koji bi pokušali

da ovaj proces izbace iz tračnica, imali bismo i one koji su tu samo zbog sebe i koji pričaju o ljudima koji su protiv njih. Tako da dajemo sebi vremena da to uradimo na pravi način. Imamo ogromnu bazu podrške, a mladi dio nje postaje nestrpljiv i volio bi da počne odmah, i ja se nadam da će za šest mjeseci kad organizujemo regionalne skupštine ljudi vidjeti da to poprima oblik kao nešto što je zaista smisljeno i da znamo šta radimo. Projekti će naravno biti važni. Sad ima ljudi koji su me čuli da govorim o projektima, i oni dolaze sa idejama, ozbiljnim idejama o industrijskim naporima, medu, agrikulturi, informacijskim tehnologijama. Sve to zahtijeva investicije, i oni misle da ja zapravo mogu donijeti američki novac da investiram u te stvari. Ja sam zapravo tražio ideje, skoro kao za građanske naučne projekte, ili projekte koje mladi mogu realizovati fizičkim radom, pomažući okruženju u kojem djeluju ili pomažući onima kojima je pomoć potrebna, ili tako nešto – stvari koje ne zahtijevaju ogromne investicije jer ako se oslonimo na takve, onda nećemo početi u skorije vrijeme. Dakle blokovi se postavljaju na mjesta, ali smo i suočeni sa mnogim ljudima koji su inspirisani porukom i koji bi željeli da djeluju sada.

**Clark Curtis:**

Pošto se situacija zagrijava za Platformu odnosno Pokret, kakve reakcije još dobijate osim od tih ljudi koji vas podržavaju? Nailazite li na otpor nacionalnih stranaka upravo sada, rano u ovom procesu? Kako to ide?

**Mirsad Hadžikadić:**

Trenutno je situacija takva da su svi prezauzeti formiranjem vlade. U zemlji gdje niko nije pobijedio sa apsolutnom većinom, moraju se formirati alijanse sa drugim strankama kako bi se dobilo dovoljno mjesta u Parlamentu, preko 51%, kako bi formirali vladu, imenovali ministre, premijera i tako dalje. Mi nismo dio tog procesa. Ja sam zapravo napravio grešku što nisam očekivao da ćemo biti tako uspješni, na neki način. Nisam imao nikog drugog na listi osim sebe kao nezavisnog kandidata. Mogao sam imati još dvadesetak ili tridesetak ljudi na listi za državni parlament, i na osnovu tog broja mogli smo dobiti par ljudi u državnom parlamentu, od 45-56. Što je interesantno. Mi bismo u ovom trenutku učestvovali u razgovorima o formiranju vlade. Ali

u isto vrijeme možda je tako bolje, jer nisam siguran da želim biti dio toga, jer to je taj biznis kao i inače. Tako da nas trenutno jednostavno puštaju da postojimo, jer su preuzeti time. Vidjet ćemo kako će se ponašati prema nama kad se vlada uspostavi, ali ljudi na ulici se zaista jako dobro ponašaju prema nama.

### **Clark Curtis:**

Jutros si par puta spomenuo barem istraživanje mogućnosti saradnje sa nekom drugom strankom. Koliko ozbiljni su ti razgovori? Na osnovu razgovora između mene i tebe, ne mislim da je to tvoj prioritet, ali moraš barem saslušati druge.

### **Mirsad Hadžikadić:**

Da, imamo mnogo telefonskih poziva ljudi koji ne dolaze direktno iz druge stranke, nego su na neki način povezani sa strankama, i oni me pitaju da li bih bio zainteresovan za to. Ja ima kažem da se ne radujem naročito nikakvim tim pozicijama, jer imam zadatak, imamo misiju i cilj koji treba da ostvarimo. Ako bi nešto iskrsnulo što bi moglo biti dobra platforma za mene da pokažem šta zapravo možemo učiniti i kako različito razmišljanje može pomoći, onda bih to razmotrio. Ali ne žudim previše za tim. Nisam primio nikakve druge pozive. Znam da su me ljudi iz kabineta hrvatskog člana predsjedništva kontaktirali da vide jesam li zainteresovan za razgovor sa članom predsjedništva i rekao sam naravno, i da ne znam o čemu, ali da definitivno možemo razgovarati o bilo čemu. Nisam ovo spomenuo ranije ali bih volio da sad spomenem. Još jedna stvar koju nisam očekivao da će se desiti a koja se dešava je to da naziv Pokreta postaje popularan. Nisam očekivao da će to značiti nešto veliko ljudima, bilo kome, jer nije nešto kao demokratska stranka ili republikanska stranka, to je platforma, Platforma za progres. Ali ljudima se zapravo sviđa – oni govore o Platformi jer je to pokret, zbog prostora i dijaloga o idejama, argumenata i konverzacija gdje je svaki glas dobrodošao. Zbog toga je naziv platforma zaista interesantan, a progres je kretanje ka boljem, tako da kad god govore o progresu oni govore o nama. Mi ne želimo to da nazovemo PzP, što je loše, nego to samo zovemo Platformom, to je naša skraćena. Nije kao DS – Demokratska stranka, ili RS kao Republikanska stranka, nego samo Platforma. Takođe, ranije nismo shvatili, a neko mi je rekao u negativnom kontekstu,

odnosno jedan od naših pristalica me upitao zašto sam odabrao ime Platforma za progres i da li shvatam da nijedna ta riječ, ni *platforma* ni *progres* nisu bosanske riječi nego da su strane riječi koje smo mi usvojili, engleske riječi. U prvi mah sam pomislio da je to tačno i da to zaista nije dobra stvar, ali onda sam razmislio i rekao da je to odlična stvar jer ne moram da to prevodim. Bilo da to kažem na bosanskom ili na engleskom, svi će razumjeti šta je to jer je univerzalno, što je možda dobra ideja, pa ostajemo pri tome.